


宣大山西三鎮圖說

山西鎮總圖





山西鎮總圖說

按山西古冀州地太行峙其左黃河繞其右五
原錯落四塞森羅蓋天險之國也迨三卿割晉
土宇支離而戎馬遂致猖獗嗣是趙以李牧守
鴈門兼有句注之地至武靈王破東林樓煩築
長城以限匈奴而三晉之為天下重也自古而
已然矣我

國家奠鼎燕京肘掖山右故建屏翰於太原置州
郡於河東汾潞立三關於鴈門偏寧內外相維
屹然維寧之域乃正統以後圉人不戒邊釁滋
張北虜據東勝而三關困矣西虜據河套而偏

老危矣澤潞太原忻代相繼而犯而全省且騷動矣雖永突狼奔無損於金甌萬一得無煩

聖人西顧哉我

皇上紹啓鴻圖穆然長慮雖諸酋款順而三關之守日益戒嚴以險隘則由平刑而偏寧而河保綿亘九百餘里塹山湮谷增高益深一金湯之險也以詰戎則自戍守而應援而更番操練刀斗相屬不絕如強一常山之勢也以儲備則有歲輸有飛輓有塩屯餉額足以待緩急之需而庚癸不警一挾纊之風也以佐使則有大將有偏裨有衛所專閫二十餘營爪牙相制一指臂之

義也用是桑土綢繆烽塵屏息歷三十餘年所
無敢飲馬長城以干邊吏者則體統尊而防禦
之計豫也蓋嘗統論山西之大勢三關門戶也
省會庭除也平潞諸郡縣堂與也西路之水泉
老營中路之陽方利民東路之白草鴈門又門
戶之鎖鑰也鎖鑰嚴而門戶固門戶固而堂與
安此在文武將吏得人殫忠効力以共奠封疆
於磐石則更有出於險隘兵食之上者故文武
如吉甫而太原寧保障如尹鐸而晉陽守李牧
在鴈門而匈奴引遁魏尚守雲中而單于款塞
此皆山右之往事載在史冊者班班可鏡也談

邊務者可以知所重矣

本鎮

錢糧歲額

主兵

京運銀一十三萬三千三百兩

民運本色糧二萬一千四百七十六石

折色銀三十六萬七千三百四十兩

屯糧本色糧二萬八千六百六十三石

折色銀一千五百二十三兩

鹽課銀六萬四千二百五十九兩

歲派鹽一十六萬四千三百九十一引折銀

五萬七千八百三十二兩

客兵

京運銀七萬三千兩

布政司允留薊鎮義兵工食抵解年例銀五
千兩

兵馬原額

官軍七萬九千七十七員名今實在五萬八千
三十七員名

馬騾三萬五千五百三十九匹頭今實在二萬
五千八百九十四匹頭

以上在兵馬雖稍縮於原額而必詳查
見在實數分析開造者恐虛糜糧芻


錢糧故也至錢糧歲額雖有定數收
納難於取盈且各營堡月支互異故
不便於造報大都邇來京運愆期民
運拖欠每年主客通融多方那借僅
足周歲之用而猶時有不足之虞倘
卒然有警征伐四出客兵將何支應
乘此閑暇之時當廣為積貯之計設
法開墾勒限催徵一切冗食冗費悉
裁革而搏節之務本折有餘庶乎緩
急可濟蓋今日綢繆之急務云

北至大同馬邑縣界三百五十五里

山西冀寧道轄東至北直隸井陘縣界三百七十五里

西至陝西吳堡縣界五百里

南至河套南太行山界八百里



本城肇自宋興國七年建築偏於西南我國朝洪武九年展築東南北三面環用甃包周二十四里高三丈六尺內

晉藩及巡撫布按都三司及府衛縣同城各署分列嘉靖二十二年以上虜憑陵內地始設太原營叅將一員以資捍禦總計各營司衛見在官軍八千四百一十員名馬騾二千一百六十二匹頭不近虜巢未分邊隘惟設火路墩三十六座城即古并州居天下之脊爲河朔咽喉外藉大同以爲藩籬內恃三關以爲鎖鑰蓋西北一大都會也叅將駐劄省城步軍分發就近州縣堡寨防守馬軍赴永

寧州等處防河無事叅將在省操練有事督兵隨
在防禦每遇冬月冰結發禦冬司官軍赴保德等
處防河次年二月冰解始回本地水深土厚人性
多堅剛勤儉有唐堯遺風近亦漸以澆薄年來礦
稅播虐民不堪命治內攘外均當加之意焉


山西冀南道轄

東至平遙縣八十里

北至文水縣十七里

南至孝義縣三十里

西至永寧州一百五十里



本城古稱西河之地後魏改汾州唐改浩州尋復改汾州天寶更西河乾元復爲汾州金置汾陽軍元復爲汾州我

朝因之故甃城周九里一十八步高連女牆四丈八尺初設汾州衛繼設守備一員萬曆二十三年改州爲府添汾陽一縣冀南道駐劄於此守備所領并汾州衛見在官軍一千三百二十九員名馬一百五十匹火路墩二十三座本城西踰黃河即延綏邊地北近偏老最屬要衝其黃蘆嶺尤稱險阻嘉靖十九等年大虜三次入境地方甚遭荼毒隆慶元年虜陷石州直闖而入地方村落重罹蹂躪




之苦至今言之寒心此後金鎖關隘戒嚴多設兵
壯防守且關廟俱築高城儼然百雉之雄矣惟是
風俗刁悍侈靡兼以

慶永二府宗儀強橫軍民錯雜奸盜易生防範禁緝
所當昕夕兢兢焉

山西鴈平道
轄東路總圖

東至敏系峙縣伏連坊八十里

北至廣武



南至崞縣



城十六里

西至盤道梁堡九十里



里十六

本路洪武初年原設守備嘉靖十九年因大虜屢
寇太原守備移駐廣武改設叅將駐劄代州所轄
廣武一守備振武鴈門二衛所分管內邊東起北
樓界東津峪西訖寧武界神樹梁沿長一百里零
三十八丈邊墩六十五座輓樓九座火路墩四十
五座邊之内外設有八岔白草水峪胡峪四堡以
相犄角兵馬除軍門標下兩掖營散兵外閫路見
在官軍六千四十八員名馬騾二千七百二十匹
頭內援兵官軍三千二百四十四員名馬騾二千
三百匹頭本路古鴈門重地四衝八達三關之命
脉全晉之咽喉也鴈代失守則太原震恐全晉即


騷動矣所關係豈細故哉路屬一帶除鴈關天險
餘俱平原曠野本古戰場選將選兵善戰善守往
昔之成法固在也款後節經乘暇修守高城深池
金湯相望矣顧守陴不如增士氣築堡不如堅衆
心無事詰爾兵戎有事人自為戰重地庶永保無
虞云

里十四關門鴈至北

東至平刑關一百九十里

西至寧武關一百八十里

南至崞縣十六里



本城虞初屬并州隋開皇五年始名代州唐宋因之金置振武軍元罷軍仍為代州隸太原路

國朝洪武二年改代縣六年輒包修八年復為代州周八里零一百八十五步高三丈五尺舊有西關景泰成化中添築東址二關城初設振武衛領六千戶所繼設守備一員與知州同知判官吏目及儒學等官同駐一城復設行太僕寺戶部管糧主事暨鴈門道整飭偏寧等處嗣因虜患頻仍山西巡撫始歲一至此防秋兼議重將鎮代乃移守備於廣武而添設叅將一員後裁革行太僕寺寧武岢嵐各設兵備而本城兵備遂稱鴈平道云又移

太原府通判一員分理糧儲軍馬州屬有五臺繁峙崞縣三城除援兵外振武衛與城操司所領見在官軍一千四百三十七員名馬騾七十四匹頭火路墩四十一座本州為省址重地三關之命脉係馬其兵馬糧餉胥仰給於此虜若渝盟盤據要害則三關之命脉絕矣且道路平坦虜馬易馳錢糧積貯奸弊叢生外防內顧所當所夕凜凜焉

北至廣武城十二里

東至小石口堡一百四十里

西至盤道梁堡八十里



南至州城十四里

本關建設輒城史稱舜巡狩至恒山始啓鴈門趙孝武王使李牧備匈奴即此地也

國初設關於此蓋重之矣城依山就險嘉靖間重修萬曆二十六年更新輒包周二里零三百五十步高三丈五尺設守禦千戶所統領見在官軍三百四十八員名火路墩四座本關形勝甲天下從來虜難飛渡嘉靖間兩次入犯皆由白草溝寇家梁而出近建寧通樓於關外威遠樓於山巔益以戍卒百人守之且於必經之處斷其山梁鴈關益增險要云

北至大同馬邑縣四里

東至小石口堡一百二十里

西至盤道梁堡六十里

廣武城

南至鴈門關十二里



本城洪武七年建築土堡萬曆三年甃包周三里高三丈六尺設守備一員所領見在官軍一千一十九員名馬騾三百五十匹頭分管內邊沿長一百里零三十八丈邊墩六十五座甃樓九座與所轄八岔白草水峪胡峪四堡把總畫地守之內白草溝樊家坡吉家坡灰窯溝寺兒灘等處極衝通大舉其大小鹹溝馬蓮坪山勢頗峻虜騎難馳本城通鴈門孔道各鎮之公使三鎮之市貨絡繹不絕站騾長夫不足半用營軍營馬當此極衝之地兼此力役之征兵馬不堪禦侮豈待枹鼓而後知哉若遇有警鴈平兵備移駐於此居中調度提東

路并北樓兵同本境官軍相機合戰使虜東不得
犯平刑之太安嶺西不得犯廣武之白草溝平刑
鴈門俱泰山四維之矣

山西鴈平道
轄北樓路圖


東至平刑關一百四十里

北至大同等應



南至砂澗

里十五州





本路叅將設於嘉靖三十七年駐劄北樓城所轄
北樓平刑小石三關城屬守備二員分管內邊東
起平刑界石窰巷西抵廣武界東津峪沿長二百
五十三里零一百八十丈二尺邊腹墩臺一百一
座輓樓一十八座邊之內外設有團城太安車道
凌雲大石茹越馬蘭平刑嶺八堡勢如常蛇護守
南山兵馬除軍門標下兩掖營散兵外闔路見在
官軍四千四百四十三員名馬騾二千五百二十
匹頭內援兵官軍三千九員名馬騾二千二百匹
頭本路雖近腹裏不臨邊境乃山南一帶層巒萃
嶺林木叢茂大為內地障蔽嘉隆間大虜每犯山

後應潭地方即垂涎內境故設兵據險以遏虜賊南下林木砍伐禁例甚嚴其所為防範之計意念深矣乃今奸猾營軍近山居民聞亦有盜伐營利者此禁何可弛也禦虜防奸守茲土者仍當加之意焉

北至大應州十五里

東至凌雲口堡三十里

西至大石口堡三十里



牛槽峒

白道坡極衝

大石口

大石口

小石口

正營極衝



南至砂澗驛十七里

本城正德九年創築土城嘉靖二十三年展修萬曆五年甃包周四里零九丈高三丈五尺內設叅將一員防守一員又時委代州同知與倉大使監收錢糧於此舊有守備一員今已移駐小石口堡叅將統領援兵見在官軍三千九員名馬騾二千二百匹頭防守分管內邊二十三里邊腹墩臺六座甃樓一座實叅將統之本營羽翼鴈門屏翰紫荊蓋應援之兵也有兵屯此虜固不敢輕犯但本城地勢寬平胡馬易馳田土沃饒虜素垂涎且正峪口白道坡俱衝要之區設防戒備亦不可以近腹裏而易心視之焉

北至大同等州十四里

東至大石口堡五里

西至茹越口堡二十里

南至本邊一里



本堡正德九年土築萬曆二十八年始議甃包今
又議築土關周二里四分高三丈六尺北樓守備
於此駐劄同防守官一員所領見在官軍六百七
十二員名馬騾一百二十匹頭分管內邊沿長一
百六里九十丈零邊腹墩臺五十一座甃樓十座
與所轄凌雲大石茹越馬蘭四堡把總畫地守之
本堡雖近腹裏白道坡牛槽峪等處山坡平漫嘉
靖十八年零賊曾搶至共六草坪三十七年曾搶至
龍王堂板舖嶺俱由此山一邊蓋亦衝要地也戒備
曷可以近腹裏而少忽之哉

北至大同源州一百二十里

東至大同靈丘縣七十里

西至繁峙縣一百二十里

南至茨溝營六十里



本關正德六年建土城嘉靖二十四年重修始稱
關萬曆九年甃包周二里五分高三丈設守備一
員所領官軍七百六十二員名馬騾二百匹頭分
管內邊一百二十四里零九十丈邊腹墩臺四十
四座甃樓七座與所轄團城太安車道平刑嶺四
堡把總畫地守之本關外通畿輔內達省會東路
之門戶全晉之咽喉也所轄衝隘七處嘉靖間大
虜二次由平安寨太安嶺等處入犯繁峙代州俱
由白草溝寇家梁出邊搶掠甚慘嗣不時侵掠嶺
後渾應等處漸及內地故設關增戍東控紫荊西
協鴈門勢若常山之蛇所為東路之屏翰殷美

山西寧武道
轄中路總圖

東至大同朔州六十里

營老至北




二州忻至南

堡十九里

西至偏頭關一百二十里

百九十里



本路叅將設於嘉靖二十七年駐劄利民所轄寧
武盤道梁神池利民八角寧化長林陽方八城堡
凡屬守備五防守二千戶所者三分管內邊東起
廣武界神樹梁西盡老營界地椒峒沿長二百九
里零四十丈邊墩一百二十四座火路墩一百二
十一座邊之內外續設小蓮花夾柳樹燕兒水鵬
窩梁玄岡口朔寧狗兒澗圪堵礮石湖嶺西溝口
得勝勒馬溝蔣家峪乾柴溝野猪溝一十五堡以
為犄角兵馬除軍門標下兩掖營散兵及標正二
營外闔路見在官軍九千八百八十七員名馬騾
三千七百七十匹頭內援兵官軍二千六百四十

五員名馬騾二千三百九匹頭本路東西援鴈平
偏老北控三雲南藩全晉蓋山西鎮之要害也嘉
隆間頻遭虜患故於衝緊各處續添前項小堡分
兵據守以扼虜衝款後烽火不警干戈載戰軍民
幸帖枕席之安顧款久則弛兵驕則玩乘此閑暇
之時正當圖綢繆之計一切詰兵儲餉未可以款
事而遽忽之也

北至神池堡十三里

東至盤道梁堡六十里

西至寧化城九十里

南至忻州二百里



本城舊築小土堡於今城之西是為寧文堡景泰元年築寧武土城成化間展修之隆慶四年始議甃石包砌馬周七里零二十六步高連女牆四丈二尺萬曆二十七年添築西關土堡一座周四百六丈三尺二十八年又建東關土堡一座周五百八十六丈九尺俱高三丈五尺初設守備一員弘治十一年添設守禦千戶所嘉靖二十年移偏頭關副總兵改為總兵鎮守於此添正兵坐營標兵守備各一員三十九年設寧武兵備道及管糧通判建學立倉規制大備屹然稱雄鎮馬見在官軍標正營六千一百三十四員名馬騾五千九百三

十三匹頭守備所領并寧武所二千二百五十六員名馬騾三百五十匹頭分管內邊沿長四十里零四十五丈邊墩五十二座火路墩二十五座與所轄朔寧陽方狗兒澗三堡防守把總畫地守之內陽方并西溝口苦參窰等處皆虜馬經涉之處嘉靖十九年大舉二次皆由此入搶至忻州崞縣地方大遭荼毒故設總兵據險扼吭統重兵以彈壓之無事則居中調度有虎豹在山之勢遇警則隨在策應無豺狼嗥野之虞三關保障胥有賴焉非止寧武一隅已也惟是地當孤懸兵鮮土著總兵所統標正各兵雖多驍健然半係四方烏合之

衆驕悍素號難制駕馭頗費調停惟在大將平日
威愛並濟鼓舞有方使烏合之人心樂為我用臨
時調發應敵以之克捷不難矣至一切兵食之計
鎮道同心謀必萬全云

北臨邊牆

東至朔寧堡二十里


崇義倉堡

陽方堡

西水口堡

西至狗兒澗堡二十里

南至武寧關二十五里



本堡於嘉靖十八年土築萬曆四年甃包周二里零八十步高三丈五尺設防守一員分領守備營及改撥見在旗軍三百四十九名管邊一十三里零一百五十步邊墩三十座內西水口苦參窰二處極衝通大虜本堡雖離虜巢稍遠實為三關屏翰寧武要衝議者謂虜犯大同大將當提兵移駐於此一以擁護鴈門而虜不敢東視一以策應偏利而虜不敢西下朔雲且藉以聲援而虜不敢久住蹂躪矣蓋門戶鞏固則堂奧自安此最得肯綮云

北至寧武關九里

東至忻州一百二十里

西至岢嵐州一百二十里

南至靜樂縣十八里


本城洪武十一年土築萬曆十年甃包周三里零二百一十二步高三丈五尺設守禦千戶所掌印巡捕城操各一員所領見在官軍七百四十員名火路墩九座本城地近腹裏雖非衝劇然支鍋石小嶺兒虜騎可通亦屬要害嘉靖間曾兩經入犯地方頗遭荼毒必須防守嚴密庶可保障無恐甚勿以近腹而少忽之

里十六州朔同大至北

東至廣武城六十里

西至寧武關六十里

南至崞縣十六里



本堡新舊甃城二座一土建於嘉靖三十二年萬曆十三年甃包今在邊外二十三年因地勢低窪改移新城於邊內周一里零一百四步高三丈五尺初設防守繼改操守二十年始設守備先屬鴈平後改寧武所領見在官軍七百三員名馬騾一百四十匹頭分管內邊沿長四十八里零四十丈內甃石包砌三十五里靠山剝削一十三里零四十丈邊墩二十六座火路墩二十四座與所轄小蓮花夾柳樹燕兒水鷗窩梁玄岡口五堡防守畫地守之本堡坐落山巔汲水外溝土脉砂鬆牆垣易圯且邊長兵寨分布為難極衝凡一十二處嘉

靖間大虜兩次內犯忻州等處俱由此出入內火
燒梁駱駝梁金家嘴舊有邊壕今宜挑濬鵬窩梁
山徑可通虜馬今宜阻塞其燕兒水之卧羊坡尤
虜屯牧之處相連漫坡易於馳突若修牆臺濬壕
塹以遏其入庶可免侵軼之患此在守土者所當
加之意耳

北至利民堡十六里



東至大同朔州七十里

西至五寨堡八十里




南至寧武關三十里

本堡嘉靖十八年土築萬曆四年甃石包砌周五里零高三丈五尺設守備一員所領見在官軍一千四百五十二員名馬騾四百七十匹頭分管內邊沿長四十里零四十五丈邊墩一十四座火路墩一十八座與所轄圪堵碓石湖嶺西溝口三堡把總畫地守之本堡外連朔州井坪內通三岔五寨商販輳集虜素垂涎其圪堵碓等六處俱極衝內圪堵碓靳家窰嘉靖年間虜賊入犯搶至溫嶺青羊渠等處地方不勝荼毒為桑土計如澗平西溝二水門閣皆丈餘中間宜豎石柵以防零寇有警嚴兵把截與援兵共防禦之庶可保障無虞云

北至老營堡十九里

東至大同朔州六十里

西至八角堡四十里



南至神池堡十六里

本堡弘治五年土築嘉靖二十七年改築之萬曆四年甃石包砌周三里零二百四十步高三丈五尺初設守備嘉靖二十七年將岢嵐叅將移駐於此而守備調之岢嵐三十六年復添守備一員與叅將同城除援兵外守備所領見在官軍七百七十五員名馬騾一百八十三匹頭分管內邊沿長四十里零四十五丈邊墩一十五座火路墩一十二座與所轄得勝勒馬溝蔣家峪三堡防守盡地守之內得勝口并牛肋肢灣小道塢莢麥川俱衝通大虜嘉靖間虜嘗數入搶掠興嵐等處軍民痛遭慘毒蓋本堡地寒不產五穀惟油麥大豆生之

士卒已不勝其苦矣而又平衍曠野無險可恃虜
一闌入呼吸可到非西犯勒馬溝之赤谷村必東
犯得勝堡之牛肋肢灣張疑設伏嚴防拒堵在本
路將領臨期善用之耳議者又謂邇來生齒日煩
郊外居民稠密建築關城尤當乘時修舉焉此亦
保障一策也

北至老營堡九里



東至利民堡四十里


西至三岔堡四十里



南至神池堡六里

本堡弘治二年土築萬曆十五年甃石包砌周四
里零九十一歩高三丈六尺初設守禦千戶所嘉
靖十五年添設守備一員所領見在并八角所官
軍一千一百三十員名馬騾三百一十八匹頭分
管內邊沿長四十里零四十五丈邊墩一十七座
火路墩三十三座與所轄乾柴溝野猪溝長林堡
三堡防守畫地守之內野猪溝等處極衝本堡與
西路之老營大同之乃河接壤竒嵐川面五寨屯
堡皆在邊內我兵據山負險虜豈能仰面而攻惟
野猪溝之兩山長林堡之左右皆平梁漫嶺虜馬
馳突之地設險固守所當昕夕戒備焉

北至老營堡十四里




南至野豬溝十一里

本堡於嘉靖四十五年土築東面靠邊三面長七十八丈高三丈五尺設防守一員先屬岢嵐後改寧武所領見在旗軍一百八十七名分管守備界內邊牆沿長三十一里邊墩八座火路墩一十二座本堡暗門并大莊窩石湖水口三處俱衝通大舉嘉靖四十三年虜曾入犯一次蓋堡當南北之衝旁多蹊徑若虜由乃河賈家堡犯五寨三岔等處必經本境亦要害處也飭兵設防所當綢繆於未雨云

山西岢嵐道
轄西路總圖

東至大同乃河堡一百二十里

北至邊



南至八

本路叅將設自嘉靖二十一年駐劄偏關分轄二十城堡凡爲遊擊一守備五操守四防守九衛所者三內老營偏關水泉營栢楊嶺八柳樹寺塢堡黃龍池草梁山滑石澗賈家堡樺林馬站韓家坪俱極衝永興樓溝三岔五寨衝次之岢嵐州嵐縣興縣則近腹裏矣所管邊牆東起中路界地椒峒西至河曲界寺前墩沿長二百三十二里零二百八十步邊墩輓樓一百三十二座火路墩二百一十九座市場二處邊口二十五處兵馬除軍門標下兩掖營散兵及奇遊二營外本路總屬官軍一萬二千三百三十三員名馬騾三千四百五十四

匹頭內援兵官軍三千二十八員名馬騾二千二百九十七匹頭本路三面濱虜極號孤懸關塞之重地全晉之屏翰也邊外豐州灘歸化城板升諸處皆順義與東西兩哨部落駐牧隆慶初俺酋率衆由驢皮窰入經岢嵐嵐縣陷石掠汾全晉震動次年復由好漢山入夜薄老營城下勢甚危急款後烽燧不警乘暇修繕處處金湯生齒繁庶固無復蕭索荒涼之舊矣議者恐二虜連衡東西入犯援兵不免有掣襟露肘之患欲添路將於水泉分管老營水泉二守備西路叅將分管偏關岢嵐草梁三守備各邊界首尾相應勢如常蛇庶有兵有

將分任責成防邊禦虜有餘裕矣亦萬全之一策
云

北至邊牆十六里

東至大同乃河堡一百二十里

西至河曲營八十里

南至八角堡十八里



本關洪武二十三年建設土城宣德天順成化弘治年間節次展拓萬曆二年輒包周五里零三百一十八步高三丈五尺初設守備一員嗣設副總兵一員及守禦千戶所後設保德倉以保德州同知與本倉大使監收錢糧後添管糧通判一員嘉靖二十一年改副總兵爲總兵移鎮寧武以老營叅將改駐本關隆慶三年移岢嵐兵備道駐劄於此本關突出晉陽西北如人首之偏故以偏關名守備所領并偏頭所見在官軍一千二百七十五員名馬騾一百七十一匹頭邊牆墩臺除議派樺林等堡操防外止管河邊沿長三十里邊墩六座

火路墩二十五座邊口九處內關河口浦家灣等
十一處極衝通大虜邊外銀安口青天石等處順
義部落燒拜擺言大等各駐牧關城四面皆山形
若覆盂虜如登高下瞰城中歷歷可數且山谷錯
雜瞭望難及往年零竊之患無日無之款後講事
進馬夷人絡繹不絕奸民射利潛通凡我一切虛
實虜備知之其生齒稠密商販輻輳尤虜所垂涎
者未雨綢繆之計所當及時預圖焉

北至滑石澗堡十七里

東至偏頭關二十里

西至黃河三里

樺林堡

柳溝莊街

石地莊街

自關莊街

樺古大寺莊街

柳義三寺莊街

永泉

水缸溝


南至樓子營十四里

本堡萬曆二十年建設土堡二十九年甃包周一里零七十二步高三丈五尺原設操守一員所領見在旗軍三百名馬騾一十匹頭分管河邊四十六里邊墩一十五座火路墩七座邊口一十二處內關河口等六處極衝通大虜其餘稍次之邊外水紅漕等處順義王部落擺言大等駐牧本堡設於黃河東岸西岸盡虜帳也東岸熊採耕牧之人日與虜對最為難防關河口密邇偏關虜馬尤頃刻可到冬春冰結偏關守備布兵擺守時當戒嚴至軍多充發半皆奸猾鈴治尤難原移黃龍舊軍又安插未定所貴還定勞來惟在守土者得人耳

北至寺塢堡十三里

東至馬站堡二十里

西至偏頭關二十里



南至永興堡十二里

本堡隆慶二年建設土堡萬曆十四年輒包周一
里零三百一十四步高三丈五尺原設防守一員
所領見在旗軍一百六十一名馬騾一十匹頭無
邊止管火路墩七座本堡去偏關馬站甚邇在昔
遊虜零騎常潛伏堡西溝底不時撲擄行旅比及
東西聞知追剿即星馳而北矣且馬站偏關東西
懸隔大舉更音信難通應援不便此堡之設盖有
得輔車之要云

北至寺塢堡十二里

東至八柳樹堡三十里

西至韓家坪堡二十里

馬站堡

南至永興堡十二里

本堡土築於正德十年隆慶元年展拓之萬曆六年甃包焉周四里高三丈五尺原設防守一員隆慶二年議將三關遊擊改駐本堡官軍除遊兵二千八百四十九員名馬騾一千六百匹頭外防守所領見在旗軍二百名馬止二匹無邊止管火路墩七座本堡界在偏老之中乃東西應援之地城北即係土山其受敵與水泉同今議修空心甃樓於土山之上撥軍把守城廡可恃無恐然旰夜戒備尤不可少弛焉

北至馬站堡二十五里

東至八角堡四十里


西至偏頭關四十里

南至樓溝堡二十里



本堡正德十年建設土堡嘉靖四十二年重修萬曆十八年甃包周一里零一百三十步高三丈五尺原設防守一員所領見在旗軍一百八十四名馬騾一十匹頭無邊止管火路墩六座本堡離邊雖遠然爲偏關左輔以通八角聲援地稍平曠虜騎易馳昔年大舉入犯亦嘗於此散住今則公使絡繹漸爲通衢矣軍馬應付頗稱疲累云

北至永興堡十二里



南至河曲縣十九里

本堡隆慶元年建設土堡萬曆十七年輒包周二百九十二步高三丈五尺原設防守官一員所領見在旗軍一百九十八名馬騾九匹頭無邊止管火路墩七座本堡漸向腹裏密邇龍霸山往歲虜騎數據其間邀截行商偏關糧道幾絕故設此堡以遏龍霸之衝款後人煙叢集多居堡牆之外無論禦虜且虞多盜該道於三十一年復議築土堡一座與舊堡相連屹然增一保障軍民可恃無恐

馬

北至邊牆一里

王家庄

角極街

五眼井

楊街

銀城

老營城等部落

東至賈家堡二十里

西至八柳樹堡二十里

鎮州城極街

老營城

南至八角堡十八里



本城正統末年建設土堡弘治十五年展修萬曆六年甃包周四里零六十二步高連女牆四丈正德八年設遊擊一員嘉靖十八年設守禦千戶所二十年改置叅將以遊擊移之八角二十一年仍將八角遊擊復歸本城改五寨守備為老營守備叅將移駐偏關四十四年添設副總兵一員隆慶二年將遊擊改駐馬站堡萬曆二十六年議設管糧通判一員城內奇兵營官軍三千九員名馬騾二千七十四匹頭守備所領并老營保所見在官軍一千一十三員名馬騾一百九十六匹頭邊牆墩臺除議派栢楊嶺等堡操防外止管邊牆沿長

六十四里零二百六十四步邊墩輓樓一十五座
火路墩一十八座邊口二處內了角山鎮胡墩五
眼井等三十二處極衝通大虜邊外王家庄銀川
城等處乃虜王三娘子下酋首歹言恰乞慶恰及
大成比妓下夷人牧谷兒台實等各駐牧本城設
在極邊與大同接壤山坡平漫虜如越塞而逞即
三岔五寨岢嵐河曲皆可一馳而至嘉隆間數大
舉如從馬頭山好漢山進搶河曲大遭荼毒老營
且有殞將之禍至由賈家堡攻圍老營勢更危急
本堡邊牆依山而就外雖高聳內實卑薄山頭障
蔽聲信難通年來陸續議修加幫高厚又增建空

山西通志卷之八
心甌樓土墩數座綢繆似得策矣顧今可慮者城東北面近山不半射之地如虜衆彎弓而上守堦勢難站立倘一處潰防全城失守異日之隱憂實在於此議者欲於幫城建甌樓二座以敵登高之虜再建懸樓十座以護守城之士更為保障之完策也

北至邊牆一十一里

東至舊市口二十里

太成莊
等村落

昭公墓

牧公兒
等村落

西至八柳樹堡三十里

好漢山極衝

松樹溝
柱南

柏楊嶺堡

南至老營堡十二里

本堡萬曆二年建設土築周二百四十四步高三丈五尺設防守一員所領見在旗軍二百四十八名馬止二匹分管邊牆二十里市口一處邊墩輓樓三十二座火路墩三座內好漢山破虜營等二十一處極衝通大虜邊外昭君墓等處大成比妓下部落收谷兒台實等駐牧本堡舊設於栢楊嶺後因山高缺水改移於窖兒塢仍存故名而新堡亦復無水軍士取汲於塌崖溝中且兵馬寡弱幸賴老營伊邇緩急可濟惟是款後好漢山設有市口一處夷人往來老營歲易市馬防範戒備不可不預慎焉

北至大同軍將會十二里

東至大同乃河堡二十里

西至老營堡二十里

晉家堡

南至長林堡三十里

山西通志
本堡土築於嘉靖四十五年萬曆十八年甃包周一里零二百一十二步高三丈五尺原設操守一員所領見在旗軍三百八十六名馬騾一十匹頭無分邊止管火路墩八座本堡地隸大同堡屬山西原爲老營一帶所需米糧向皆仰給雲朔先年虜賊常於乃河道中撲擄商販老營坐困後因建設此堡虜患漸息商販疏通而兩鎮聲勢聯絡烽火相聞此堡之建立豈曰小補之哉

北至水泉營堡十二里

東至老營堡二十里

西至馬站堡二十里

洪溝松衝

丁角山



南至八角堡十八里

本堡景泰二年建設土堡萬曆十五年甄包周二里零一百四步高三丈五尺設防守一員所領見在旗軍二百五十名馬騾一十匹頭無分邊止管火路墩一十八座本堡當洪水溝極衝要路未款前虜常從此溝深入以犯偏老聲援卒不能及嘉靖四十一年大舉從了角山五眼井進邊入犯老營本堡以及寧武等處蹂躪甚慘故特設此堡以遏洪水之衝偏老耳目聲援亦多藉焉向來堡牆崩裂樓基下陷勢將傾圯近議包修完固足堪保障惟是堡內無水取汲城外脫有虜警殊可慮焉

北至邊牆二里

歸化城

打兒漢

安

三路

寧遠河

老水

東至老營堡四十里

西至草梁山堡二十里

水泉營堡

南至八柳樹堡十二里



本堡土築於宣德九年萬曆三年輒包周二里零一百二十步高三丈五尺二十四年創築附堡一座二十八年輒包一面連舊城三面周一里零五十一步高亦三丈五尺原設防守隆慶二年改設守備所領見在官軍一千四員名馬騾二百匹頭紅門隘口一處市堡一座萬曆四年更添防守官一員領旗軍一百四十名守之重市事也守備分邊沿長三十六里零八步邊墩二十六座火路墩九座內兎兒窰等一十一處極衝通大虜邊外兎毛河歸化城寧邊河等處係順義王打兒漢三路恰并把漢比妓等部落各駐牧本堡逼鄰虜巢爲

馬關有背山坡平漫虜馬易馳未款前大舉零竊
歲無虛日石州之變虜正由此款後建市場於紅
門隘口外設關口三處以通虜酋出入內設關口
一處以定華夷界限每遇開市羣夷畢集我亦厚
爲之備該道及總副叅將咸在馬顧撫賞漸增額
外而市本反縮於額內犬羊無厭漏卮當塞操縱
搏節所當加之意馬堡內止一井汲引甚艱倘虜
寒盟飲馬於大泉則備關不及聲援下甲於洪水
則老營無從策應水泉亦岌岌乎殆矣此不可不
預計云

北至草架山堡十二里

東至八柳樹堡二十里

西至黃龍池堡三十里



南至偏頭關十四里

本堡昔爲民堡故土築也嘉靖四十年被虜攻毀四十二年始改爲官堡萬曆十五年甃包周二百七十四步高三丈五尺原設防守一員所領見在旗軍一百三十八名馬騾六匹頭無分邊止管火路墩三座本堡設於山脊當水泉偏關之中實通二堡一線之脉也若此地爲虜所據則聲信絕矣且款後又爲夷人往來孔道以此彈丸之地兵不滿百五十虜心固易之乃地方奸民潛通射利虛實備知實滋將來隱憂所當申嚴詰察以戒備不虞者也

北至邊牆五里

東至水泉營堡二十里

西至黃龍池堡二十里

南至寺塢堡十二里



本堡故弘治十五年創建尋廢萬曆二十三年復
建土築二十八年甃包周二里零六十七步高三
丈六尺設守備一員所領見在官軍五百三員名
馬騾一百三十六匹頭邊牆墩樓除議派黃龍池
等堡操守外止管邊牆六里零八步邊墩輓樓五
座火路墩一十二座邊口二處內東坡墩驢皮窰
楊家莊等處極衝通大虜邊外雙墩子鷓子溝白
塔兒一帶酋酋討討兒沙赤星擺山戶等各部落
駐牧本堡勢極孤懸山獨高聳虜若屯兵北山以
遊騎伏南來之路偏關以北盡皆山谷瞭望最難
嘉隆間屢次大舉援兵至中途輒遭殞將覆兵之


禍近添設官兵常川住守不惟水泉滑石鼎立無虞而南下之虜亦自是不敢如前之猖獗矣願軍皆召募月糧取給於民壯折色且本堡商販罕至軍易米於偏關往還百二十里故畏苦時多逃亡近議每軍量給本色人心始安廣儲蓄以備緩急乃今日之要務云

北至滑石澗堡十二里

東至草梁山堡二十里

西至樺林堡六十里

南至偏頭關四十里



本堡舊於弘治十五年創建萬曆十九年大閱裁
革二十三年議復修築土堡二十九年甃包周一
里零一百三十二步高三丈五尺設操守一員所
領見在旗軍三百名馬騾七十四匹頭分管邊牆
一十二里邊墩甃樓一十一座火路墩十座內楊
家莊等處極衝邊外鷄子溝一帶酋首沙赤星部
落駐牧本堡犄角滑石澗下甘泉湧出虜人就水
之便每入犯必駐兵於此曠日持久然後四出侵
掠自此堡建後虜失取汲之利即不能保其不來
亦可制其速去惟軍士月糧向取給於民壯工食
每遇荒告討本色率無固志所當預圖廣儲云

北至邊牆一里

東至草梁山堡三十里


西至老牛灣黃河十五里

南至黃龍池堡十二里

草梁山


雁山寺部落

水門橋



本堡宣德九年建設土堡萬曆八年甃包周一里
零一百四步高三丈五尺原設防守後改守備裁
革止設操守一員所領見在旗軍三百名馬騾二
十匹頭分管邊牆一十八里邊墩甃樓一十五座
內水門等處極衝通大虜草垛溝等處稍次之邊
外白塔兒一帶酋首擺山戶等駐牧本堡孤懸一
隅咫尺虜巢未款之先土虜入犯無時且沿邊石
磴紆迴虜每緣之以擾村疇窰窖西長嘴尤易易
馬至水門迤西即接河套冬深水結渾無界限尤
難防範議者欲易操守復設守備量添軍馬庶體
統肅而兵威振偏老之屏翰益嚴矣

北至五寨堡十八里



東至靜樂縣一百二十里

西至保德州一百八十里

南至興縣一百二十里


本州洪武七年建設甌城周七里零一十三步高三丈八尺初設知州判官吏目儒學倉驛等官及鎮西衛所嘉靖二十一年設岢嵐兵備一員二十二年設叅將一員三十五年議將叅將改駐利民本州設守備一員隆慶三年移岢嵐兵備駐劄偏關守備所領并鎮西衛見在官軍一千七百五十八員名馬騾二百三十七匹頭火路墩樓除議派五寨等堡防守外止管二十二座甌樓二座本城西連偏老南通省會為山右咽喉重地雖近腹裏去邊不遠虜如闌入一日夜可至嘉隆間數大舉入犯攻毀堡寨甚多擄掠人畜極慘東西二關亦

被燒毀且由此經行攻陷石州緣本州地當南北
之衝虜如南犯必經此處故被患屢焉城與東南
二關瀕河每年衝決為患向因民力凋疲未及議
修今漸次修理完固保障庶有攸賴焉

北至三岔堡十六里

東至神池堡八十里

西至岢嵐州八十里



南至寧化城九里

本堡土築於嘉靖十六年萬曆八年甃包周四里高三丈五尺舊設守備今止設防守一員所領見在旗軍五百四名馬騾四十匹頭無邊止管火路墩一十二座甃樓三座本堡即鎮西五所屯牧處故名五寨四野平曠居民蕃滋素為虜所垂涎未款前虜入北由水泉西由河保東由寧武咸於此屯兵四出搶掠矧逼連蘆芽山叢木茂林土寇易於嘯聚外患內憂均當防範乃僅以一防守畀之恐緩急無濟於事議者欲仍設守備衙門原有故址不煩重建公廩取之堡稅不費加增一調劑間而於地方之禦虜弭盜兩得之矣

北至偏頭關十八里

東至神池堡九十里

西至保德州一百四十里



南至五寨堡十六里

本堡土築於嘉靖十八年萬曆九年輓包之周四里高三丈五尺原設防守一員所領見在旗軍四百四十三名馬騾一十四匹頭無邊止管火路墩一十六座輓樓二座本堡乃四通八達之衢偏關商旅盡出其途蓋亦要地也邇來轉運市貨傳報聲息兼以公使往來絡繹不絕站騾倒損數多軍士賠累逃竄非設法調停道路將中梗矣議者欲量添站騾以蘇疲累非過計也

北至岷州一百二十里

東至靜樂縣六十里

西至興縣一百六十里

南至永寧州二百八十里



本縣洪武二年建設土城萬曆五年覲包周四里零一百八十八步高連女牆四丈設知縣典史教諭訓導各一員鹿徑嶺巡檢一員緣設內地止火路墩一十六座本城址有岢嵐為之障且有守備為之援無事即可安枕而卧先年虜攻石州長驅南下經搶本縣者以岢嵐向無兵故也本縣城先頗敞保守為難今增陴繕障頗稱完固惟是四境綿邈山谷叢雜如白龍銅鼓缺鷄勢要等山俱號險阻派來徇賊及鄰封巨盜往往潛匿其間時出劫掠兵來則雉兔逸入山林兵去則豺狼嗥於道路譏察防範所當時加戒嚴焉

北至保德州一百八十里

東至嵐縣一百六十里

西至黃河五十里

興縣城

南至臨縣一百六十里

王蒙

本縣景泰元年建設土城隆慶三年甄包周二里零二百二十五步高三丈四尺五寸設知縣典史教諭訓導各一員界河口孟家峪巡檢各一員因設腹裏止火路墩一十三座本城僻在山谷距邊頗遠西五十里即黑峪口實黃河官渡直通陝西神木栢林等處嘉靖四十三年套虜踏冰過河戕擄本縣人民無數隆慶元年虜酋南犯石州傍掠本縣大遭荼毒每冬河水結凍巡檢司弓兵不時鑿打倘警報緊急人少恐不濟事臨時湏發岢嵐守備統兵防禦可也

山西奇嵐道
轄河保路圖

東至樺林堡六十里

北臨



南興縣

黃河

西臨黃河



口二百七十里

本路叅將設於隆慶二年駐劄河曲營所轄六城堡內河曲營樓子營唐家會河會堡俱極衝河曲縣保德州稍近腹裏矣凡屬守備二操守二防守一千戶所一分管邊牆東北起自西路界寺前墩西南抵石梯隘口沿長一百三十一里又自石梯隘口起抵興縣黑峪口止黃河東岸沿長二百一十里邊墩六十一座火路墩三十八座邊口一十二處市口一處渡口一處闔路見在官軍三千五百九十五員名馬騾一千五百一十一匹頭內援兵官軍一千五百六員名馬騾一千一百五十四匹頭本路逼近黃河乃北虜套虜交侵之地最爲

衝險邊外榆樹灘泉子溝大灰口等處酋首長蓋剪啞氣買的赤鐵兒等部落駐牧河西又襖兒都司莊禿賴等駐牧地也隔河一望毳幕盈眸無論春冬冰結虜可長驅即秋夏水漲亦能涉渡嘉隆間沿河標掠迄無寧歲故守凍有兵打水有例他鎮雖有防秋此地又兼防冬及春矣往議調別營堡軍丁防守兵將不相識徒糜錢糧無裨實用議者欲募敢戰之士三千專任防河省客兵之行糧移禦冬之月餉以充募軍之資似為萬全之策也

北至邊牆百步

東至偏頭關六十里

牛鎮谷樞衝

長安口樞衝



西至河曲營二十里

南至河曲縣十七里

本堡宣德四年建設土堡萬曆五年展拓甃包周一里零三百二十八步高三丈五尺原設操守二十二年裁革改設守備一員所領見在官軍六百三員名馬騾一百四十一匹頭邊牆墩樓除議派河曲營防守外止管邊牆沿長五十六里邊墩甃樓二十八座火路墩三座邊口六處內牛角尖吳峪口等一十四處俱極衝嘉隆間大舉曾經入犯董家莊辛家坪等處邊外山羊會小水口等一帶皆酋首麥得氣買得赤鐵兔等部落各駐牧河西即陝西黃甫川清水營正對套虜襖兒都司莊禿賴等巢穴本堡緊逼黃河常址虜套虜之交河外

虜帳星列碁布歷歷在目而沿河大峪村等處居民繁富虜素垂涎向徒以一操守率三百疲卒守之真可寒心自改官添兵以來地方居民始可恃以無恐顧新軍半係烏合休養生息撫綏精練是在守備之得人耳

北臨黃河

東至樓子營二十里

西臨黃河

南至唐家會一十一里

牛莊

黃河

北流頓河

黃河

陝西界

大營

白馬子溝

孫樹灘

黃河

寧河橋

信卷橋

營家橋

河營城

本城宣德四年建設土城萬曆二年展修七年甃包周二里零七十步高三丈五尺二十六年創築東關土堡一座二十七年甃包周二里零九步高亦三丈五尺嘉靖三十八年原設守備隆慶二年裁革改設叅將三年添設防守一員除援兵外所領見在旗軍一百八十八名馬騾一十一匹頭分邊一十五里邊墩輓樓二十一一座市口一處邊口四處內魯家口等五處極衝通大舉邊外榆樹灘白泉子溝大灰口等處係酋首長蓋等部落駐牧隔河即陝西黃甫川清水營正對套虜襖兒都司莊禿賴等駐牧之地本城相隔套虜止盈盈一水

夏秋恃河為險虜人最善沒水零竊已屬難防冬
春冰結胡越一家無險可恃未款前無歲不被虜
無時不戒嚴誠為保河門戶連年套虜構釁延綏
時常出沒孤山黃甫川之間引馬稍東則河保先
及之矣復額兵以資戰守誠今日之急務也

北至唐家會十二里

唐
家
會


唐
家
會

東至河曲縣四十里

唐
家
會

西至黃河一里

唐
家
會



南至保德州一百里



本堡萬曆二十五年創築土堡周二里零八十一
步高三丈五尺設守備一員所領見在官軍五百
三員名馬騾一百三十匹頭原分邊牆議派二操
守管理止管火路墩七座內巡檢司曲峪等四處
俱極衝邊外正對陝西焦家坪彌羅衛衙馮家會
等處直接虜巢東止泉子溝係酋首剪啞氣西止
柴關兒岔係酋首襖兒都司霸王廟係莊禿賴等
各駐牧本堡地勢平坦四面通衢河水一結華夷
一家無論附近如五花營數十村落皆虜垂涎先
年虜自此入即分掠河曲保德五寨岢嵐等處故
建此堡以遏虜衝今議輒包庶保障無虞焉

北至河曲營一十一里

舊城

神兒司
羊部

神像橋

東至樓子營二十里

西至黃河

里

河會樓橋


唐營橋

暗門

唐永會堡

七十

南至河曲縣十七里



本堡宣德二年建設土堡萬曆十年甃包周一里
零二百七十八步高三丈五尺設操守一員所領
見在旗軍二百六十四名馬騾二十六匹頭分管
邊牆三十里邊墩甃樓六座火路墩二座邊口二
處渡口一處內渡口河會二處俱極衝邊外正對
陝西彌羅衛等處直接虜巢泉子溝等處酋首
剪啞氣襖兒都司等各駐牧本堡當黃河渡口三
時倚長河之險雖足自完冬深冰結即官軍日不
交睫寢不帖席矣隆慶四年議各營司衛堡守凍
官軍畫地分守庶可無虞乃奸軍越渡潛逸為盜
兩地莫可究詰防河防虜而又當嚴奸盜之禁焉

北至唐家會十七里

東至三分堡二百二十里

西至黃河一十里

河曲縣城

南至岢嵐州一百八十里



本城洪武二年建設土城萬曆十三年甃包周四
里零二百四步高三丈五尺設操守一員與知縣
典史教諭訓導等官同城所領見在旗軍一百九
十名馬騾四十九匹頭分管邊牆三十里邊墩六
座火路墩六座內巡檢司曲峪等四處俱極衝邊
外正對陝西焦家坪等處直接虜地青草灣首首
剪啞氣等駐牧本城三面皆深溝陡峻惟北面受
敵縣西倚洪河為險嘉靖四十五年河凍石梯口
大舉達賊由黃甫川過河搶掠至本縣城下攻圍
七日會大雪始解連年曲峪等處截凍冰橋隨打
隨凍防禦甚艱偵探戒備所當朝夕嚴慎焉

北至黃河一里

東至河曲縣六十里

西至興縣一百八十里

南至岢嵐州一百八十里

保德州城

柳溝

天橋



山西通志

卷之

本城洪武元年建設土城萬曆二十年加幫高厚
三十年輒包周七里零二十六步高三丈五尺設
知州同知吏目學正訓導各一員宣德七年設守
禦千戶所後改州同移駐偏關監牧本所見在官
軍三百四十一員名止管火路墩二十座本城與
陝西府谷縣一河相望先年虜由柳溝驢皮窰等
處二次大舉入犯直至本州河曲一帶居民大罹
其害城垣向土墉卑薄保障不堪今議輒包告竣
足壯形勝若冬春冰結調軍協守址套二虜均當
嚴加戒備焉

欽差總督宣大山西等處地方軍務兼理糧餉太子少
保兵部尚書兼都察院右副都御史楊時寧纂集
欽差提督鴈門等關巡撫山西都察院右僉都御史白希繡同纂

山西等處承宣布政使司左布政使鄒學柱

山西等處承宣布政使司右布政使李景元

山西等處提刑按察司按察使劉魯

整飭岢嵐偏老等處兵備山西按察使趙彥

分守冀南道山西布政司左叅政張季思

分巡冀寧兵備道山西布政司右叅政兼僉事劉廷謨

整飭鴈平等處兵備山西按察司僉事李茂春

整飭寧武等處兵備山西按察司僉事任應徵同校正

宣大山西三鎮圖說後序

三鎮圖說成督臣既序之矣臣國光
職在疆圉宜有言末簡臣伏睹

國家都燕九邊綿亘若鉤陳內護而最
急者無如上谷雲晉謂其切近畿輔
與諸虜隔塞而處而所謂大虜者又
力能左右東西虜以與圉吏為難異
時羽書夕報則郊關晨嚴背膊之患
所從來矣三方各設重鎮復設制府

三金剛
總督之令相聯絡首尾內固輔車外
壯犄角計至深遠也我

皇上神靈遐邇威德旁馳諸虜弭耳息喙
交臂屈膝稱外臣者三十餘年如一日
三鎮將吏弣弓緩帶靡有烽燧倣豈
不甚盛際茲乃識者廩廩抱厝火養
癰憂蓋款久則虜氣漸張我備漸弛
以張乘弛是惟無發發將不支故易
戒旣濟書倣無虞是在今日矣臣待

罪宣府罔裨邊計幸得受督臣要束
與二三疆吏完陴繕鄣蘭卒蒐乘廣
儲除器所為先雨綢繆不敢有遺力
而督臣猶憫然不自釋兢兢於萬全
經久之謀按故牒軫深忠條畫薈萃
合成此書中間地形院塞道里遠近
將吏泐革士馬分布與夫虜情向背
備禦緩亟靡不區分櫛比使人一展
卷而三鎮數千里聯絡首尾輔車將

角之狀瞭然在目能者通其變可以
出奇無窮不能者亦可據籍設備而
無猝然虞實籌邊之方書而仰贊我
皇上廟謨之極慮也臣因茲有感焉今三
鎮外諸虜非即周玃玃漢匈奴乎玃
玃匪茹匈奴侵暴莫甚於周宣漢文
之世而當時不失為治平微獨其臣
若吉甫南仲魏尚李廣輩能運其方
畧以襄多難奏膚公效首虜而遠斥

堠也讀采薇出車諸詩想見周宣中
興之烈其恤征戍勞苦鼓將士敵愾
者真若喘息之相通讀史而見漢文
與家令論兵事徃復懃懃今日詔實
邊明日詔實塞下而頗牧之思即一
飯不寘馬心竊鄉徃之以為其臣之
克運方畧有以耳故曰在師中吉承
天寵也又曰其原不在邊境而在

朝廷臣等驚下何敢望周漢諸臣萬一

而

皇上聖明遠過周宣漢文又時無匪茹侵
暴得精心籌畫惟

朝廷之上永念師中勿以既濟無虞而
忽周宣漢文之慮斯邊境之間徼藉
天寵得及時閑暇而圖吉甫諸臣之
功圖說具在畢四體以從虜款固可
逆折其氣不款亦有以待之矣否則
茲刺屢畫駿耳即臣等按圖而索所

與能幾厝火養癰之憂猶未知稅所
也

欽差巡撫宣府等處地方贊理軍務都察
院右僉都御史臣彭國光謹序

宣大山西三鎮圖說後序

督臣楊時寧奉

上命總制宣大山西之又明年率屬三鎮
文武士綢繆戎備既蒔且周然不勝
皇皇卒遯之慮謂款安之不可恃戒
懼之不可以怠爰裒輯所部之嶮要
利便而繪為圖圖各系之說以彰往
垂來俾夫計桑土者一按圖而彼已
之要害兵糧之虛實攻守之方畧瞭

然在指顧間索而求之緩急可立辨
用意至穆遠也集既成謹繕彙恭進
御覽臣悌謬叨一隅寔與聞之敢序諸末
簡蓋上下千古謀臣計士扼腕而談
邊事者總不出戰款兩策矣戰罷則
議款款罷則議戰至戰則絀款主款
則絀戰而是戰非款者尤過半然使
事機已移而無變圖情形未睹而鮮
成算利害偏窺而昧終始以虜禦虜

而不以我禦虜毋論戰款均未見其
有當也北虜世世為中國患苦所從
來久而我

國家定鼎幽燕逼近巢穴尤為剝膚之
害乃若雲中上谷一帶外連黠虜內
障神臯於各邊中最號重鎮自宣正
以暨德靖百餘年間憑凌侵犯徃徃
從茲地闌入小入小利大入大利甚
者鳴鏑天都徹烽

大內屢戰屢格而不能得其降心而款
貢之議自

先皇帝決筴受之

皇上續承虜搏額稱臣唯謹蓋士恬於伍
農熙於耕胡馬不窺於郊關而邊城
常至於宵闕者今已三十餘載通者
酋長擁衆壓邊無端挾索聲勢甚張
邊人震恐賴

主威宣望

廟算淵宏督臣集宿將治軍實飭諸邊
厲兵擐甲宵晝戒嚴而另勒鐵騎三
千為決勝計臣等相與鎮靜持之暇
整待之虜廼戰其雄心逡巡遁逃而
不敢犯竟乞憐搖尾完市以去繇斯
以論戰未必其盡得而款不必其遂
失彰彰可見於前事已顧臣等仔肩
重寄勉相圖度姑毋論孽牙之萌且
日夜其間即苟幸旦晚無事敢遂狃

處堂之安而漠然不為深長計哉竊
嘗懷一得之愚以為操縱犬羊駕馭
夷狄使之莫予侮罔敢挾者惟其重
在我耳蓋天下事必我操其重而後
可以制人必堅瑕緩急洞達旁照闔
闢弛張兼施默運而後可以操天下
之重造父之御車也正度於胃臆執
節於掌握齊輯之於轡銜而遲速之
於唇吻乃能任其縱橫而無泛逸夫

御敵亦猶是矣戰兩相害也而時有
利款兩相利也而亦有害要以能制
其命何往而不可不能制其命何求
而能得故惟重在我而後戰與款皆
可用之以為利蒐伍簡乘繕垣固圉
吾內治誠犁然畢舉而又陽施之而
陰設之緩縻之而急備之挾轂而獨
運游環以無窮玩桀黠於股掌杜囂
伺于萌孽禦戎上策無過此者此圖

之所不能繪而說之所不能詳也然
匪圖與說何所藉為持循以隨事預
防臨機制變是惟督臣拳拳之意而
臣等一日在職不敢不一日殫竭矣
抑書有之惟事事乃其有備有備無
患事屬疆場臣力之所可效者矢無
敢自愛髮膚而臣力之所不能擔者
獨且柰何我蕭牆內潰藩籬外撤人
心之艱危日甚而庫藏之搜括如洗

軍興耗乏至莫能必數月之計所謂
厝火積薪之下而寢其上惟此時為
然即百臣等腐心捐糜何能為蓋不
在邊境而在

朝廷者其本原也安得

天啓

聖明一轉意焉臣等日夜齋薰虔叩以俟
欽差巡撫大同地方贊理軍務都察院右
僉都御史臣張悌謹序

宣大山西三鎮圖說後序

臣惟寓內事最鉅重者在韜鈴而三鎮之為燕蔽也鎖鑰尤重是故有形勢則有要害有備禦則有方畧有軍旅則有紀律有芻糧則有經制有市貢則有訾筭此塞下之情形戎事之窾會也閫內閫外咸資以策焉而

廟筭邊籌係之矣自古借箸之士何嘗不以是兢兢哉誠為疆場計久遠所

謀慮者周而講求者豫也我

皇上神武英斷威靈九圍

上方之劒三試而三

奏凱是以華夷震疊邊境敕寧北虜素

稱慄悍叩關請命需我朝夕若鷗雛

之仰食一介之吏可折箠而擾之業

已三世毋敢譁者

濯靈赫聲亦偉矣哉廼

皇上騰馬西顧每飯不忘折衝屢下

聖書切責臣等未聞綢繆殷殷至也維時
督臣楊時寧祇肅

功令獎飭文武諸將吏柔馭撫綏靡遺心
力矣以邊關情形月異而歲不同查
先臣大司馬訥論曾著九邊圖說揆
之前後事有不盡符者於是周咨博
採繪圖以

進而條其說於下以備

省覽臣幸共事鞭弭寧敢嘿嘿已乎臣

惟三鎮之備禦與內地殊

今日之三鎮與疇昔異虜自庚戌內犯骨
白燐青室家煨燼今處堡相望生聚
繁矣虜初乞款會入會出歲計有餘
今公私告匱主進艱矣虜當蹂躪時
大創小懲邊兵知戰今弓矢載殽恬
愉久矣其有擊刀斗謹烽燧弊弊道
途雖裂膚墮指靡敢偃息者戍守之
部署也有殄風露對冰雪徧徧沙漠

雖膚鋒蹈刃靡敢俠逸者偵伺之健
兒也有挽強而馳鳴鏑而起濟濟然
翼翼然結伍列陣而整肅其步武者
練習之丁壯也有撫劒而視抗旌而
麾糾糾焉桓桓焉登壇分閫而指示
其進止者元戎之統帥也有熙熙攘
攘若聚若散若赴若奔若負若戴堆
髻屈膝繒帛交馳者貢市之部落也
有林林總總以佃以作以僖以遊以

居以守陶穴隣比少長相姁者村堡
之氓隸也凡此孰非我

皇上三十年来所生養所教訓所懷柔者
我臣又思之生聚繁則食指衆而隴
畝之磽瘠如故也主進艱則積儲急
而庾藏之空乏如洗也恬愉久則士
卒惰而衛所之虛懸如脫也

國計民艱可憂日甚

皇上能不惻然動念乎詩歌殷武美高宗

服鬼方也曰天命有嚴不敢怠遑詩
歌采芑美宣王平獫狁也曰有嚴有
翼共武之服夫上畏天命下嚴武服
然後遠人至邇人安來王來享可常
保也是圖與說閩外情形備矣

皇上試一披覽而虜在目中機宜在掌上
矣若閩以內事惟

聖明加之意焉臣愚不勝款款矢陳於編
末者如此

欽差提督鴈門等關兼巡撫山西地方都
察院右僉都御史臣白希繡謹序

萬曆癸卯仲冬吉旦